

S294

46-3423

陳脩園醫書五十種
三



2/3

喉痧正韵



序

醫不通其理不足以言醫通其理而未得其法則亦無術以處此也余家世讀書舉業之餘往往汎濫百家旁及靈素以故多能醫之士余自成童時挂名弟子員籍省闈再薦邀備未售深恐樛材坐廢無補昇平年來僑寓滬濱輒假刀圭爲肆應之具猥以譾陋獲信友朋滬上自戊子春始爛喉疫痧盛行牽連沾染天枉不可勝計雖死生有命載諸聖經母亦法有所未盡歟經余治者獲全居多同人疑其有秘不知至理自昭天壤苟得其旨亦何必私爲枕中寶哉爰將體驗所存綴爲一帙付諸剞劂倘芻蕘可采默消疵癘於無形則草茅微賤未始非仰體 聖天子仁壽斯民之至意於萬一云

光緒十有六年歲陽在上章陰在攝提格律中中呂日月會於實沈之次吳縣曹心怡叔培父敘於朗齋

例言

一醫之於病如射侯之有正鵠失其鰈率則折簇墜羽者有之是書以正的名雖無養由穿楊之技或少挽王良詭遇之風乎

一先哲有言醫者意也吾心能領之口不能言之又云治病當活潑潑地如珠走盤如或刻其舟而膠於柱則官禮且或誤蒼生矧區區技術之書哉世人有趨括其人此則非余所敢知已

一著述之家書不盡言言不盡意子輿氏云大匠誨人能與人規矩不能使人巧余固非哲匠也所望海內淹博之儒起而訂之

一醫案之刻所以佐運用之機宜是書辨論已繁無庸更贅

一是書甫脫稿卽悉維揚張氏有痧喉正義之刻不知與拙論同異若何以道遠未獲一讀爲恨姑識之以俟高明選擇焉

喉痧正的目錄

自序一首

例言五條

喉痧源流總論

論因

論證

論脈

論治

驗舌

申禁

善後

防先



喉痧條治

喉痧備用各方



喉痧正的

吳縣曹心怡叔培著

喉痧源流總論

古無有所謂爛喉痧者。自雍正癸卯以來始有之。見於吾吳葉天士先生醫案中。喉現病刻輯要探此案考葉氏行世諸書中俱無之。想佚存本也。以解肌散表立法。可稱千古隻眼。而用藥則不詳。嗣是以

來。散見於諸家雜刻中者。類多風影之談。惟虞山陳靜巖疫痧草及玉峰顧氏痧喉經驗闡解二書。最為近是。二書俱採入西溪外史所輯衛生鴻寶中陳氏以疫名痧。以有疫無疫辨痧喉之輕

重。所論頗屬精當。惜其開手各方。仍囿於辛涼解肌之成法。以致近時採用者。往往不驗。至顧氏之書。論證亦頗透切。而立方終屬鮮效。至友元和金保三先生。據顧氏本而

增刪之。易其名曰爛喉痧。輯要。金氏得此書於冷攤上。序謂不著誤人。所增皆咽喉通治之法。於痧痧初無干涉。卷尾摺撫各藥。亦俱非紀律之師。無怪乎覽之者之茫無

涯涘也。余自幼習聞先生緒論。年來賣藥滬濱。同人謬以此事相推。不揣謏陋。爰將因證脈治及歷驗各方。條列於左。以備參考焉。

論因

治病必先其所因。喉痧之因。都由溫厲之毒吸入肺胃。又遇暴寒折鬱。內伏腸胃募原。復觸時令之毒風而發。其發也。蘊蒸之毒。瀰漫三焦。幸而獲治。則毒散而氣化。不致牽

上海中医药大学图书馆藏

連傳染。不幸失治。則毒聚成疫。觸之卽病。以次遞傳。甚至累年不已。如近日滬上情形。自戊子以來三載。未之或息也。陳氏之所謂疫者。信矣。然尙有三因焉。一因起居富厚之家。冬雖溫而必重其裘。甚則熾火圍爐焉。蠢愚之輩。夏雖涼而不蔽其體。甚則風餐露宿焉。而房室竭其精。嗜欲損其形者。更難免矣。一因飲食麤糲炙煇。熏灼臙膩。瓜果生冷。冰伏脾胃。而餌金石以爲衛生。藉參茸以資服食者。更宜審矣。其一則因街衢之穢雜。水漿之污濁耳。駢肩摩轂。汗霧交流。溲井於河。濁潦橫積。口鼻之所吸受。腸胃之所浸淫。貽害可勝言哉。然此三者。凡疫皆然。亦凡病皆然。正不獨喉痧一證耳。

論證

喉痧由厲毒內伏。其未發之先。必五內煩躁。手掌心熱。漸漸咽痛。憎寒發熱。胸悶口渴。有痧者熱勢必壯。用大紅紙。梅紅洋紅火暗無光不適用裏細草紙。撚成紙捲兩莖。蘸菜油或豆油。撚著。醫者以右手拈紙卷。復以左手掌逼住火光。照看頭面頤項。見有痧點隱隱。及週身膚腠通紅者。無論咽喉紅與不紅。腫與不腫。腐與不腐。但覺咽痛。或先曾痛過。發熱後反不甚覺痛者。此是初痛時誤進寒涼抑遏之故尤當急達均屬疫痧。急宜按照後開各方。暢爲透達。既透方清。層次不可攙越。轉捩不可呆鈍。蓋從來風火之重。變幻之速。無有過於此證者。一落呆相。便多貽誤。亦有偶然感觸。內本無邪。僅見咽痛寒熱。熱不甚壯。膚腠不紅。胸悶口渴亦微者。但須乘其初起之時。按照後方急與疎解。不至發痧。熱退痛定。亦就痊

矣。至於失治邪陷。則有腮腫。頰車不開。脣口緊小。支體膚黑欲蛻。舌絳喉腐。痧點半隱不透。馴至神昏譫語。氣喘腹瀉。鼻煽鼻煤。音啞瘧厥。不可爲矣。

喉痧發於肺胃。初起憎寒發熱。爲肺邪欲洩之象。所以必現咽喉腫痛者。咽喉爲肺胃道路。顧氏謂熱淫浮越者是也。其瑣碎小粒者爲痧。痧者沙也。紅暈如塵沙而起。屬肺其成片如雲頭突起者爲痧。痧者丹也。或隱在皮膚之間。多起於手足身背之士。音人謂屬脾。以脾主肌肉故也。余則以爲此正胃腑之熱淫外越耳。蓋陽明亦主肌肉也。有一見即化者。有痧透後始化者。其如疙瘩塊者。發則多癢而麻。以此係其人肝熱而兼濕痰。藥宜稍佐洩肝發痰滲濕之品。至於失治邪陷。初陷則在少陽陽明。耳前後腫。陷之深。則頰車不開。唇緊膚黑。陽明風毒極盛也。其舌苔黃者。猶在氣分。至舌絳則直逼營分矣。營分受邪。逼近包絡。再陷則神昏譫語。毒燄益烈。惡候並見。不轉瞬而風火交煽。瘧厥立至。鼻煽音啞。肺陰告絕。頃刻云亡矣。其氣喘腹瀉鼻煤之證微者。可治。甚者不可治。當於後開各方中求之。

論脈

喉痧之脈。初起浮之濡濇。按之沈滑。此伏氣在內。腠裏怫鬱之象也。或左兼弦緊者。風勝故也。右反沈者。邪遏氣道也。右寸伏者。誤進寒涼。喉已腐而肺氣不布也。左寸亦伏者。邪陷已深。上焦氣道欲閉也。左關獨弦者。陰氣先傷。邪氣乘虛而犯肝膽也。男子奪

精。婦人經水適來者。往往見之。弦而兼勁者。火炎生風也。若治之得法。一散之後。便轉洪數。或未甚暢者。當再散之。必六脈俱透。內伏之邪盡洩。然後清而和之。則證靜脈和矣。至於誤治之脈。則似浮非浮。似洪非洪。似數非數。脈既模糊不清。證亦錯雜不齊。難爲力矣。

論治

喉痧一證。歷來鮮善治者。以不敢發暢其表也。不知此證重在痧子。不重咽喉。顧氏早已言及之矣。溫厲之邪。鬱之深而發之暴。不能自出於表。以至上竄咽喉。苟非洞開毛竅。何以洩其毒而殺其勢。此開手所以必用麻黃也。用麻黃之法。有獨用者。有以余透年所見。用麻黃者。十治十生。所不能生者。爲日已多。誤治在前。毒陷已深。揚之不達耳。其甚者。津液已枯。厲邪與氣血交混。此時散之無可散。清之不能清。雖使扁倉復起。恐謝不敏。抑知致此之由。半由因循坐誤。半由縱橫雜治。誠使循經按法。詎至是哉。愚請以一得之見。爲暢其義焉。一曰解穢。厲邪由口鼻而入。其穢濁不正之氣。業已瀰漫於無形。勢必芳香以解之。如臥龍丹、玉樞丹、太乙救苦丹之類是也。一曰開表。痧屬陽腑。經邪初起。必從表散。疫痧受邪較重。尤宜急與開達。如麻黃豆豉之類是也。一曰疏風。疫痧每發於火旺風勝之年。且必觸時令之毒風而發。故荊防在所必需。若已成火化者。桑葉可參用焉。一曰疏肺。皮毛者肺之合。肺氣開則皮毛亦開。自無壅滯不透之患。

且肺主一身之氣化。清肅下行。諸氣受治。疫厲亦因而自潰。故芎前亦爲要藥。壅之甚者。紫苑當兼用焉。其他如杏仁土貝之化痰。人中黃之解毒。桔梗之載藥上行。西河柳之循經速達。皆爲斯證不祧之品。此初起一二日之大概情形也。至於二三日間。表邪已解。裏邪方急。則當用枳實元明粉下之。此爲釜底抽薪之妙法。肺氣一通。痧火自息。咽喉亦漸愈矣。至於存陰清化諸法。則有霍石斛鮮生地羚羊角等味。疎腑潤腸。則如枳實導滯丸之類。清洩餘火。則如桑葉丹皮桑白皮等味。善後調理。則如西洋參製首烏等品。當於後開各方中求之。茲不具列。

喉痧發表非難。清裏爲難。清裏非難。清之適如其分爲最難。轉關之際。有先一著不得。後一步不能。輕一分不敷。重一毫不勝者。此中消息。非親歷者不能知。茲姑約略撮示其一二焉。大凡初起之時。苔多白滑。以厚薄不等但白苔爲準是以當用溫散。既散之後。痧邪外達。

苔轉薄黃。便當稍兼清洩。以桑葉易荊芥可也。若舌苔甚黃。或邊尖漸紅。口必渴。當參

用霍山石斛四五錢。或六七錢不等。是名白膏。一二劑後。痧透。透字喉寬。熱勢緩。脈形

俱暢。證勢漸平。黃苔亦化其半。舌前半俱紅。尖上起刺。以上數語並當細審此時可去麻黃不用。

祇用桑防歧斛芎前杏貝。土貝甘。甘中桔西河柳等味。以透餘邪。而兼清化。若大便不

通者。可加元明粉枳實下之一劑。後痧透極足。前云痧透此云痧透極足當細審而有化象。黃苔盡化。

舌本通紅。或絳。尖刺如楊梅。此時痧毒盡洩。痧火正熾。當以羚羊角鮮生地等洩而化。

之以生地合豆豉。即古方中黑膏遺製也。其餘並如前藥。風勝者。白蒺藜亦可加入。使

艱有滯者。元明粉或枳實導滯丸。均可用。當先用元明粉。繼此以往。白膏黑膏參用。

輕者一劑。重者亦無過二劑。極重者用至三劑。足矣。胎此時必痧。回脫皮。偏身習習。可作。或

遺熱未清。餘火猶熾者。仍參羚羊角量用。粉羊為洩風化火之品。痧火甚盛者。治之。或元

用白膏一二劑。三四劑均可。羚羊角量用。與黑膏同用。或與白膏同用。隨證審治。可也。元

明粉導滯丸。酌互用之。或初下當用元明粉。減寒下。降易以撤火。或一服。或二服。後大便。已行

有燥矢未盡。腹中時痛。緩一二。至於善後之法。不外清洩肺胃而已。表裏俱澈。可稍加

清養以調之。喉痧有因奪精後。如房後遺。而發者。其邪易入少陽。洩則肝膽易於受邪也。當參用

仲聖四逆散法。以赤芍易白芍。以甘中黃易甘草。合之則柴胡赤芍枳實甘中黃是也。

仍當與麻豉荊防等並用之。內無風滯者。可去枳實。指尖不甚厥冷者。可并去赤芍。取但

破其陰結。或初起先投麻豉荊防等一劑。第二日再加入用之亦可。痧未透齊。可連用

兩劑。或三劑。當斟酌用之。婦人經水適來。亦當參用柴胡。血恐其熱陷。經不甚暢者。仍當

兼用赤芍。或少腹滿痛。即桃仁紅花等亦可加入。血結胸者亦如之。此證在喉痧中甚

速。生死不出六七日之間。不比尋常溫熱病之。其他產婦嬰兒。治法同前。見以風火變幻甚

喉痧發表為先。其次即當下奪。燎原之勢。非杯水所能滅。所以僅施滋清不為功。仲景

治傷寒有急下存陰一法。正合此病。下之必用元明粉者。以其有合於洪範潤下作鹹

之義。分量不必過峻。大率以一錢為準。然不能拘。證勢急者。不妨酌加。或後下。性後下或

同煎。性同煎隨證審治可也。設或一下之後。火不甚殺。不妨再下。一二劑後。火衰其半。可

易以導滯丸。二三服。或火勢復熾。便艱腹痛者。仍參用元明粉一二劑。其用下之法。略

如吳又可治疫之意。必大便行過數次。脈靜身涼。苔轉薄白。飲食漸復。然後內無留邪。

火不復熾矣。

喉痧有兼見洩瀉者。證勢必重。若因穢勢所侵。當用太乙救苦丹。若因挾食所致。當用

枳實查炭等消導之劑。若因熱結旁流。當通因通用。但既瀉則表邪易陷。必須參用粉

葛根一味。以升清達表為主。一二劑後。痧透瀉止。證從火起。反見便艱脈實者。仍當用

下。若因誤治洞洩者難愈。

喉痧用麻黃之法。若時令嚴寒。或證起數日。表邪鬱極。當急與解散者。可獨用。分量少

只三分。多至五分。不過取其輕揚之性。以達毛竅。非若西北正傷寒之需重汗也。或時

令溫煖。邪鬱不甚者。可炙入豆豉內用之。分數亦少至三分用豆豉三彷彿仲聖麻沸

湯之法。然亦不可拘。若時令雖暖。而表邪甚急者。仍當專用為捷。若在暑月。可用桑白

皮監之。或其人素有痰血。或病中曾見衄血者。俱宜兼用桑白皮。此局方華蓋散之遺

製也。至於救逆諸法。則有麻黃與白膏同用者。如邪鬱數日已從火化。苦黃口渴者。以麻

用有與黑膏同用者。如誤治在前表邪未達。痧透不暢。而舌色絳赤者。麻並有與石膏同

黃可與豆豉生地同用手足懸症者可參用羚羊角



用者。如發於暑月而復誤治，痧火與暑邪交并，熱甚但生風，手足攣攣，證者亦可用。仍未
 救矣。三法：黃芩、按凡大時，暴感溫邪，為寒所束，發為雙單乳蛾，身灼熱，無汗，氣喘，咽關，暴腫，秋水。
 閉者，實製大黃、黃芩、前胡、玉樞、丹或救苦丹、繼用麻黃、杏仁、石膏、甘草、黃
 體之。

達如發於暑月而復誤治痧火與暑邪交并熱甚生風以手
法黃苔者大抵可救緯色而未通風者或可救已動風
先又按凡非時暴感溫邪爲寒所束發爲雙單乳蛾身
製大黃前胡士貝母防風桑葉牛蒡桔梗等治之頗驗

活法在人。是在臨證者審

喉痧疎表不透邪陷少陽陽明二經。證見耳前後腫。或掣痛。將變出發頤疔瘰之類。當用防風白蒺藜柴胡葛根等散其風毒。或但頰車開闔不利。祇加防風白蒺藜亦可。若口唇緊小。膚黑欲蛻。當用秦艽白蒺藜等。追其風毒。若痧後餘毒內壅。致頸項結核。變成瘍證。未成膿者。多用消風化痰活血解毒之品以散之。如桑葉芫荽前杏貝甘桔赤芍。製蠶之類。已成膿者。可付瘍家治之。

驗舌

喉痧初起。舌苔白滑者。表有風寒也。白而兼膩者。內挾穢濁不正之氣。微高者。漸從火製。黃甚者。痧火燦氣也。尖絳者。邪熱逼營。純絳色鮮澤。邊尖起刺。痧已透者。爲營熱外洩。未透者。舌必紫絳而乾。根邊多帶黃白厚膩之苔。此表邪未達。痧火已燦及營分。爲難治。中心焦黑者。痧火內燔。津液枯渴也。舌短縮者。腎氣竭也。乾絳而硬。中心焦。神昏者。痧毒攻心也。俱不治。

申禁

喉痧邪伏在裏。初起切忌寒涼。以鬱則毒焰愈熾也。不特涼藥不宜誤服。卽一切瓜果冷飲。俱宜禁絕。世人不知。以爲口渴咽痛屬火。恣啖清果水梨。茅根西瓜皮等。甚者或擅服西洋參麥冬元參石斛之類。貽誤非淺。不可不申其禁。

善後

喉痧既愈之後。周長膚蛻如麤。氣血曾受刻削。須善自保衛。以復太和。其遺熱必須清洩淨盡。然後可加培養。病人須薄滋味。節飲食。謹嗜欲。邪淨後。尙宜茹素兩三旬。其一切腥羶發物。俱宜遠戒。房室尤不可犯。過四月方稱復元。否則痧後餘波。變怪百出。慎勿輕身嘗試。

防先

疫痧盛行之際。室中宜薰除潔淨。熏以名香。或雜燒檀降蒼芷之類。以辟除其穢惡不正之氣。入病人室。宜啖圀圖皮蛋一枚。能飲者佐以高粱酒少許。男婦老幼俱宜佩太乙辟瘟丹一顆。以絳帛囊之。當心懸挂。不可近褻。

喉痧條治

冬煥春寒。邪鬱肺胃。運火令火結而爲伍。上竄咽喉。紅腫而痛。或但痛不腫不紅。憎寒發熱。或壯熱。或不甚熱。或乍寒乍熱。微者飲食如常。甚則胸痞咽阻不能食。脈形弦數。或濡數。或沈數。或沈弦不數。或右寸獨大。或兩寸並沈。或左部兼緊者。皆邪鬱未伸之

象也。舌白不渴。或微渴而苔滑膩者。或渴甚而苔仍白滑者。邪在表分也。荊防麻豉湯主之。胸痞咽阻者。先與太乙玉樞丹。或太乙救苦丹。吹藥始終用玉鑰匙原方主之。

荊芥

防風

麻黃

炙水

豆豉

牛蒡子

炒

研便

清

桔梗

杏仁

去皮尖

研便

研便

研便

研便

研便

研便

研便

研便

研去心

甘中黃

西湖柳

痰濕盛而舌白膩者。加紫苑重洩其肺。

或其人素有痰血證。及病中曾衄血者。加

桑白皮。遇暑月亦宜加用。

腹痛洩瀉者。先服太乙救苦丹。瀉甚加粉葛根。

者。加枳實查炭麥芽。婦人經水適來。及男子奪精房勞。四肢冷厥。加柴胡赤芍。

舌黃者。去荊芥加桑葉。黃甚燥渴者。加霍山石斛。耳前後掣痛或腫者。加柴胡粉

葛根白蒺藜。頰車痠痛者。去荊芥加蒺藜。脣口緊小起焦黑者。蒺藜秦艽同用。

服前藥既得汗。則咽痛必寬。痧必漸透。或有轉變。可參後方。如證勢較鬆。得汗未暢。

前方再進一劑。必痧透而咽痛止矣。如不止。繼方加枳實元明粉下之。

此證重在發汗。使痧邪外達。則不至釀成危證。體虛者尤宜急透。所謂無糧之師。利

於速戰也。即使自有汗者。仍須汗之一汗不暢。則再汗。余經治曾有投四劑而始達

者。在此證中亦罕見。總以舌苔化。咽痛愈。痧點至足心。舌尖起刺。為度。

桑防白膏湯

痧透喉寬。苔黃尖絳。脈轉洪數者。此湯主之。便閉者。可加枳實元明粉。

下之。

桑葉 防風 豆豉 霍山石斛二味同打 牛蒡子 桔梗 前胡 杏仁 土貝母

甘中黃 西河柳 其有他證相兼者。加減法同前。

羚羊黑膏湯 痧點逗留不化。舌色純絳鮮澤。尖上起刺者。此湯主之。已下便未暢者。

仍加枳實導滯丸疎之。

羚羊角先煎 豆豉 鮮生地二味同打 桑葉 白蒺藜去刺 牛蒡子 桔梗 前胡 杏

仁 土貝母 甘中黃

熱甚生風者。可加鈎勾。入後 便燥實。痧火極盛須急下者。元明粉大黃俱可用。

餘隨證加減。

服此一二劑。痧回火勢漸退。可參用白膏一二劑。羚羊角元明粉導滯丸等。仍可參

用。

東垣枳實導滯丸

大黃一兩 枳實麸炒 黃芩酒炒 黃連酒炒 神麴炒五錢 白朮土炒 茯苓三錢 澤瀉二錢

蒸餅為丸。多寡量服。

桑丹瀉白散 痧回熱退。舌化脈和。餘邪未淨。時時手足心熱者。此散主之。便未暢者。

仍加枳實導滯丸疎之。或五仁湯潤之。肺與大腸相通。後以屢通大便為務。

